

ՆՈՐ ՄԵՆԱԳՐՈՒԹՅՈՒՆ ՀԱՅ-ԱՍՈՐԱԿԱՆ ՀԱՐԱՐԵՐՈՒԹՅՈՒՆՆԵՐԻ ՄԱՍԻՆ

Հայերի հարաբերություններն ասորիների նեո դարերի խորթից են զալիս: Դեռ նազույժ չըրջանում այդ երկու ժողովուրդներն իրար են հանդիպել Տավրոսյան լեռնաշղթայից հարավ ընկած հայկական նահանգներում՝ Աղձնիքում ու Կորձայքում և ապա դարեր շարունակ, մանավանդ յրիստոնեական միջնադարում, ազդել են միմյանց վրա փոխադարձաբար և ստեղծել շատ բարդ մշակութային փոխհարաբերություններ:

Ինական է, որ այս կարևոր բնադավառը վաղուց պիտի դրաղեցներ հայ պատմաբաններից ու բանասերներից շատերին: Լավագույն օրինակը Ե. Տեր-Մինասյանի հայ-ասորական եկեղեցական հարաբերություններին նվիրված հայտնի աշխատությունն է: Սակայն այնքան բազմապիսի են այս հարաբերությունները, որ անհրաժեշտ էր վերսկսել ընդհատված կարևոր աշխատանքը և ընդգրկել ավելի լայն ծրագիր:

Ահա թե ինչու ողջունելի է ՀՍՍՀ ԳԱ հրատարակչության լույս ընծայած Հ. Մելքոնյանի հայ-ասորական հարաբերություններին նվիրված մենագրությունը:

Աշխատության ամենաշաղկված մասերից է «Սոցիալական շարժումների պատմությունից» գլուխը: Ասորական աղյուրների (Ափրատես, Մշիխա Զեխա, Թուլմա Մարգացի և այլք) հարուստ տեղեկությունները նախալուրջություն են տվել հեղինակին անապատական շարժման համոզիչ պատկերը տալ՝ բնութագրելով այն որպես յուրատեսակ ընդլվիզում տիրող իրականության դեմ: Հայադեմոսները (ն. Աղոնց և ուրիշներ) հաճախ են ընդգծել Միջադեմոսի (մանավանդ Եղևսիայի) կարևոր դերը Հայաստանում բրիստոնեության տարածման գործում: Այս տեսակետը մի անգամ ևս ապացուցվում է անապատական շարժման մասին սույն ուսումնասիրության մեջ եղած փաստարկներով: Միջադեմոսում հալածված անապատականները մտնում են Հայաստան և հաստատվում Կորդվաց աշխարհում և Մշտունիք դավառում: Անապատականներ են զալիս Հայաստան (Մեծ Հայք) նաև Փոքր Հայքից, որոնք հաստատվում են Մոփե և Աղձնիք նահանգներում:

Սրամիտ է Հ. Մելքոնյանի առաջարկած ստուգաբանությունը Բորբորիտոն անվան համար, որն, ինչպես դիտենք, անապատական շարժման կազմակերպված խմբերից մեկին՝ մծղենականներին էր տրվում: Ժխտելով հունարեն Բորբորոս (տիզմ, աղբ) կամ բարբարոս ստուգաբանությունները, նա առաջ է քաշում ասորական ստուգաբանություն՝ բար բարիտ «անապատի որդիներ», որն, ի դեպ, շարժման հենք էությունն է բնորոշում:

Անապատական շարժման մասին խոսելիս հեղինակը կարող էր օգտագործել նաև Աղաթան-դեզոսի որոշ մանր տվյալներ: Իր գործունեության ընթացքում Գրիգոր Լուսավորիչը վանականների խմբեր է հաստատում տարբեր վայրերում, ինչպես նաև «...լեռնականս, անձաւամուտս և արդելականս հաստատւիւք: Ի հարկե խոսքը եկեղեցու հսկողության տակ գործող միաբանությունների մասին է, այսուհանգերձ, այնձավամուտ լեռնականների մասին հիշատակելը արձաղանքն է անապատականների գործունեության, մանավանդ որ Հայաստանի լեռնային պայմաններում անձավներն էին փոխարինում Միջադեմոսի ու Նդիպտոսի ավազոտ անապատներին: Դեռ կարելի է ենթադրել, որ Գ դարի սկզբին իր դիրքերն ամրապնդել կամեցող եկեղեցին հավանաբար ձգտում էր սիրաշահել անապատականներին:

Հետաքրքրական է Մար Ալիզինի ասորերեն վարքի հայերեն թարգմանությանը (Հակոբ Մծրնացուն վերագրված) հատկացված մասը «Մշակութային կապեր» գլխում: Ըստ Հ. Մելքոնյանի, Մար Ալիզին (կամ Ալիզի) ձեռք առաջացել է հայկական թարգմանության մեջ գրված Մարուգժ անունի: Այս առթիվ պարզվում է, որ ընդհանրապես Մարուգժ (Մարուքժ) անուն չի ասորերենում (ինչպես ենթադրվում էր) և միայն սույն վարքի հայերեն թարգմանության մեջ պատահաբար գո-

1 Հ. Մելքոնյան, Հայ-ասորական հարաբերությունների պատմությունից, Ե., 1970:

2 Աղաթանդեզյա պատմութիւն հայոց, Տփղիս, 1909, պարբ. 441:

յացած մի արվեստական անուն է: Ահա այս անունն է, որ գտնում ենք հայ մատենագրության մեջ, ընդ որում, թե՛ դարերում այդ անունով հիշված են մի քանի անձնավորություններ: Հետաքրքրական է, որ Ավգինը ոչ թե ասորական. այլ եգիպտական ծագում ունի և կարելի է ասել, որ սա մերակ եգիպտական (ղպտական) փոխառյալ անունն է հայերենում:

Մար Ավգինի վարքը հնարավորություն է տալիս որոշ ճշտումներ կատարելու Սասունի և Սանասարի վեպի ծագման հարցում: Ասորեստանի թագավոր Սեննաքերիմի որդիներ Ադամելեքի ու Սանասարի Հայաստան փախչելու գրույցը ծանոթ էր դեռ Աստվածաշնչից, բայց Սանասարը Սասունի հետ կապող գրույցը ցարդ հայտնի էր ամենաշուտը Ե դարից՝ Մովսես խորենացու հիշատակությամբ: Մար Ավգինի վարքը (գրված Դ դարում), ուր հիշված է, թե Սանասարը հիմնեց Սարգուզա քաղաքը և այնտեղ իր հոր պաշտամունքին տաճար կառուցեց, հիմք է տալիս եզրակացնելու, որ ճիշտ չէ այն ենթադրությունը, թե խորենացու մոտ սոսկ Աստվածաշնչի ազդեցության տակ արվեստականորեն Սանասարի գործունեությունը կապվել է Սասունի հետ: Հեղինակը ճիշտ է եզրակացնում, որ «այս գրույցը ղալիս է շատ հին դարերից և իր մեջ խտացնում է հայ հին հեթանոսական պաշտամունքի հետ կապված տվյալներ» (էջ 83):

Գրքում հաճախ է ցույց տրված (օրինակ «Հակոբ Մծրնացին և Նիկիո ժողովը» հատվածում), որ Փավստոս Բուզանդը ձեռքի տակ է ունեցել Մար Ավգինի վարքը: Ուստի անհրաժեշտ էր, որ հեղինակը մանրամասնորեն քններ այս հարցը բնագրային, ընդհանուր համեմատություններ կատարելով: Հետաքրքրական է, որ Փավստոսի տեղեկությունները միշտ համընկնում են ասորական աղբյուրների հետ, իսկ Մովսես խորենացուն՝ ոչ: Այս առթիվ հարկավոր էր նաև ընդհանրապես դնել Փավստոսի ասորական աղբյուրների հարցը:

Հեղինակն ուսումնասիրել է հայ-ասորական առնչությունների մի կարևոր բնագավառ՝ դրականը (մատենագրական), անդրադառնալով, մանավանդ, Աստվածաշնչի թարգմանության հարցին: Նա ձգտում է ցույց տալ հին և նոր կտակարանների հայերեն թարգմանությունների ասորական բնագրերը, քանզի Աստվածաշունչը առաջին հերթին ասորերենից էր հայերեն թարգմանվել և միայն նրանից ժողովից (431) հետո՝ հունարենից է թարգմանվել, իսկ ասորերենից կատարված թարգմանությունը մոռացության է տրվել: Բարեբախտաբար Հին Կտակարանի թարգմանությունից մեզ հասել են Մնացորդաց Ա և Բ գրքերի երկու ձեռագիր. որոնք հրատարակել էր Գ. Խալաթյանցը, սակայն ձեռքի տակ ունենալով Աստվածաշնչի հունական յոթնասանից թարգմանությունից կատարված ասորական թարգմանությունը՝ (և ոչ բուն ասորականը՝ Պեշիտտոն) նա ժամանակին վերջնական եզրակացության չի հանգել: Հ. Մելքոնյանը մի փոքրիկ հատված վերցնելով Խալաթյանցի հրատարակած Մնացորդացի օրինակից, համեմատել է ոչ միայն յոթնասանից թարգմանության, այլև ասորերեն Հին Կտակարանի (Պեշիտտոն) հետ և համոզիչ կերպով ցույց տվել, որ Մնացորդացի խնդրո առարկա ձեռագրերը իրոք Աստվածաշնչի նախնական՝ ասորական թարգմանությունից են:

Հայագիտական գրականության մեջ բազմիցս արծարծված՝ Մար Արամ Կատինյանի հարցը, բնականաբար, գրախոսվող աշխատության հեղինակի ուշադրությունից չէր կարող վրիպել, և գոյություն ունեցող վարկածները ի մի բերելուց հետո, հեղինակը մնում է բանասերների այն կարծիքին, որ այս ասորի մատենագիրը պատմական անձնավորություն է և ապրել է Դ դարի սկզբին, ճիշտ այն ժամանակ, երբ Մծրենի վրայով Մար Ավգինը, Հակոբ Մծրնացին և Դանիել Ասորին եկել են Հայաստան ու քարոզչական աշխատանքի լծվել:

Ուշադրության են արժանի Թադեոսի ու Սանդուխտի վարքի վերաբերյալ Հ. Մելքոնյանի պրպտումները, սակայն քրիստոնեության առաջին դարերի պատմության հետ սերտորեն կապված այս արժեքավոր վարքը և նրանում եղած նյութը, ըստ երևույթին, հայագիտությունը դեռ ինչպես հարկն է չի ուսումնասիրել և օգտագործել:

Անհրաժեշտ է ընդդռնել, որ Թադեոսի ու Սանդուխտի վարքը սերտորեն առնչվում է Ազաթանգեղոսի պատմությանը, թեև վերջինիս մեջ Թադեոսի անունը չի հիշվում: Թադեոսի վարքն ու Գրիգորի վարքը (Աղաթանգեղոս) ունեն բազմաթիվ զուգահեռներ՝ Թադեոսի և Գրիգորի նահատակ քարոզիչներ, Սանդուխտ և Հովսեփիմ հավատարիմ նահատակ կույսեր, Թադեոսին նետեցին առյուծների առչև, իսկ Գրիգորին՝ օձերով լի խոր Վիրապը և այլն: Այս և բազմաթիվ այլ զուգահեռներ մեզ կարող են հիմք տալ եզրակացնելու, որ Գրիգորի վարքը իր կազմավորման ընթացքում անխուսափելիորեն կրել է արդեն Դ դարից բանավոր կամ գուցե գրավոր ձևով գոյություն ունեցող Թադեոսի վարքի ազդեցությունը:

Այս դրքում և բեղանքապես նման ուսումնասիրությունների մեջ հայ-ասորական եկեղեցական մասնագրական առնչությունները սահմանափակվում են մեծ մասամբ Գ դարով, իսկ ինչ վերաբերում է Բ և Գ դարերին, ապա մենք շատ քիչ նյութ ունենք (Աղղայի վարդապետություն, Բարդաթան և այլն)։ Անբաժնետ էր, որ Հ. Մելրոնյանը ձգտեր թափանցել հայ ժողովրդի պատմության համար այնքան կարևոր և միաժամանակ այնքան մութ Բ և Գ դարերից ներս, հեղինակի ասորական մեծ և փոքր վարժապետությունների վրա, քանի որ հայտնի պատմիչների երկերում, ըստ երևույթի, նման նյութը պակասում է։

Հ. Մելրոնյանի այս արժեքավոր իննադրությունը մի անգամ ևս ապացուցում է, որ այսօր հայագիտության մեջ նոր խոսք ասելու համար անբաժնետ է ուսումնասիրել նաև օտար սկզբնաղբուրները, որոնք, անկասկած, զեռ շատ նյութ կտան հայագիտական քաղձառեսակ հարցերի պարզարանման համար։

Ա. ՏԵՐ-ՂԵՎՈՆԻՅԱՆ

ԳԻՏԱԿԱՆ ԱՐՄՈՒՄ

ՊԱՏՄՈՒԹՅԱՆ ԻՆՍՏԻՏՈՒՏՈՒՄ

Փետրվարի 23—24-ր տեղի ունեցավ ՀԱՍՀ ԳԱ պատմության ինստիտուտի երիտասարդ գիտական աշխատողների և ասպիրանտների V գիտական նստաշրջանը։ Կարգադրվեց 9 զեկուցում։

Կրտսեր գիտաշխատող Մ. Սանակյանի զեկուցումը նվիրված էր հայ ժողովրդի զավակների մասնակցությունը Մերձբլայիկայի պաշտպանության մարտերին 1941 թ.։ Ձեկուցողը նշեց այն ծանր ու զմեպրին ուղին, որով անցել են հայ ժողովրդի զավակները Սովետական Միության մյուս ազգերի ներկայացուցիչների հետ ուս-ուսի, պայքարելով մեր երկիրը ներխուժած անարդ թշնամու դեմ։ Նա հատկապես կանգ առավ խիզախ օգաշու Սարգիս Հայրապետովի սխրանքի վրա, որը Սովետական Միության հերոս նիկոյալ Գաստելյոյից երկու օր առաջ Տաուրազին շրջանում իր այրվող ինքնաթիռ ուղղեց զեպի թշնամու տանկային շարասյունը։

Ասպիրանտ Կ. Հաուրյունյանը զեկուցեց «Հայկական 76-րդ Կ. Ե. Վորոշիլովի անվան լեռնահրաձգային կարմրագրոշ զինվորային մարտական ուղին 1920—45 թթ.» թեմայով։ Ուրվագծելով Հայաստանի տերիտորիայում սովետական իշխանության առաջին տարիների կազմավորված զինվորային անցած ուղին, Կ. Հաուրյունյանը հատուկ ուշադրություն դարձրեց Ստալինգրադի ճակատամարտին ունեցած զինվորային մասնակցությունը, որտեղ ցուցաբերած տոկոսության ու խիզախության համար նրան շեռհվեց Լենինի շքանշան ու զվարդիական կոչում։

Ասպիրանտ Գ. Առախլյանը, որը զեկուցեց «Գյուղական արհեստագործությունը Արևելյան Հայաստանում XIX դ. երկրորդ կեսին» թեմայով, նշեց սոցիալ-տնտեսական այն պայմանները, որոնց ազդեցության տակ գյուղական արհեստագործությունը սկսել էր քայքայվել։ Ձեկուցողը պատմա-ազգագրական վերլուծության ենթարկեց գյուղական արհեստագործության մի շարք առաջատար ճյուղերը։

Հետաքրքրությամբ լսվեց կրտսեր գիտաշխատող Պ. Գալստյանի «Հայերը Լեհաստանի զինանադիտական ծառայության մեջ» զեկուցումը։ Նա առաջ քաշեց մի շարք հարցեր, որոնք նորություն էին լեհ-հայկական քաղաքական հարաբերությունների լուսարանման ուղղությամբ, բերեց լեհական զինանադիտական ծառայության մեջ աչքի բնկած հայերի գործունեության օրինակներ և շեշտեց այն հանգամանքը, որ տարազիր հայերը հայրենիքի պաշտպանության գործը կապում էին եվրոպական երկրների ու Ռուսաստանի օգնության հետ։

Հետաքրքրություն առաջացրեց նաև ասպիրանտ Հ. Սվազյանի «Աղվանից աշխարհ» հատկացությունը ըստ Կադանկատաթուղտ» թեմայով զեկուցումը։ Վերլուծելով ու համադրելով պատմիչի հաղորդած տեղեկությունները, Հ. Սվազյանը եզրակացրեց, որ նրա «Պատմությունը» ոչ թե Աղվանից աշխարհի պատմությունն է, այլ «Հայոց արևելից կողմաց» պատմությունը։

«Կախկախի ֆեոդալական իշխանության առաջացման հարցի շուրջը» թեմայով ասպիրանտ Հ. Մկրտումյանի զեկուցումը IX—X դարերի՝ Արաստանի ֆեոդալական իշխանությունների կազմավորման պատմության վերլուծություն էր, ներկայացնելով այն նախադրյալները, որոնք հնարավորություն տեղեկեցին Կախկախում կազմակերպել ֆեոդալական իշխանություն, զեկուցողը նշեց, որ այդ իշխանությունը կարողացավ Անգրիկովկասում քաղաքական առաջնության համար հայ